

SAMÞYKKT

um afgreiðslutíma verzlana í Húsavík.

1. gr.

Samþykkt þessi nær til allrar smásöluverzlunar í Húsavík, þ. m. t. starfsemi söluturna, brauð- og mjólkurbúða.

Undanþegnar ákvæðum samþykktarinnar eru: Lyfjabúðir, benzínsölur, að því er snertir sölu á benzíni, olíu, smurolíum og vörum til bifreiða, blaðasala á götum, merkjasala og annað slíkt.

Ákvæði samþykktarinnar ná ekki til þjónustu, er bifreiðaaafgreiðslur veita atvinnubifreiðastjórum, né heldur til þeirrar þjónustu, er rakarastofur, hárgreiðslustofur, ljósmyndastofur, viðgerðarverkstæði o. s. frv. láta í té, enda fari þessar stofnanir eigi út fyrir verksvið sitt.

Um vinnutíma og önnur starfskjör afgreiðslufólks fer eftir kjarasamningum og venjum.

Ef ágreiningur ris um skilning á ákvæðum samþykktar þessarar, úrskurðar bæjarstjórn Húsavíkur ágreiningsefnið að fengnum tillögum lögreglustjóra, en skjóta má þeim úrskurði til ráðherra, og er úrskurður hans endanlegur.

2. gr.

Daglegur afgreiðslutími smásöluverzlana og annarra sölustaða er samþykkt þessi tekur til, er svo sem hér segir, nema öðruvísi sé sérstaklega ákveðið í samþykktinni:

Alla virka daga skal heimilt að opna sölustaði kl. 09.00.

Á mánudögum, þriðjudögum, miðvikudögum, fimmtudögum og föstudögum, skal sölustöðum lokað eigi síðar en kl. 18.00, enda beri þá daga ekki upp á helgi- og fridaga, sbr. 4. gr.

Á laugardögum skal heimilt að halda sölustöðum opnum til kl. 12.00 á hádegis.

Síðasta virkan dag fyrir aðfangadag jóla skal heimilt að hafa verðlanir opnar til kl. 24.00 og síðasta laugardag fyrir jól til kl. 22.00 (eða annan dag skömmu fyrir jól).

Enn fremur er heimilt að hafa sölubúðir opnar fyrsta laugardag í desember til kl. 16.00 og annan laugardag til kl. 18.00.

3. gr.

Fiskbúðir mega vera opnar kl. 08.00 til 18.00 virka daga nema laugardaga, en þá skal þeim lokað eigi síðar en kl. 12.00.

Einnig er heimilt að hafa verðlanir, sem hafa allar algengar matvörur á boðstólum, svo og brauð- og mjólkurbúðir, opnar kl. 10.00 til kl. 12.00 á dögum, er greinir í 4. gr. b-lið.

4. gr.

Eftirfarandi reglur gilda um lokun sölustaða á helgidögum og hátíðisdögum:

- a. Jóladal, páskadag, hvítasunnudag og föstudaginn langa, 17. júní og nýársdag, skulu allir sölustaðir lokaðir allan daginn.

- b. Alla sunnudaga, skírdag, annan páskadag, sumardaginn fyrsta, annan hvítasunnudag, uppstigningardag, verzlunarmannafridaginn og annan jóladag, skulu sölustaðir lokaðir allan daginn, sbr. þó undantekningarákvæði 3. gr. og 5. gr. þessarar samþykktar.
- c. Aðfangadag jóla og gamlársdag skal öllum sölustöðum lokað eigi síðar en kl. 12.

5. gr.

Bæjarstjórn getur leyft, að fenginni umsögn heilbrigðisnefndar, að söluturnar og sambærilegir sölustaðir séu opnir alla daga frá kl. 09.00 til kl. 20.00 á tímabilinu 15. sept. til 14. maí. Á tímabilinu 15. maí til 14. sept. frá kl. 09.00 til 23.30, sbr. a.-lið 4. gr.

Sölustaðir þeir, er um getur í 1. mgr., skulu utan hins almenna sölutíma aðskildir frá hvers konar starfsemi annarri, t. d. annarri verzlun, en þar er leyfð, olíu- og benzínsölu, bifreiðaafgreiðslu og veitingastarfsemi. Má þá þjónusta fyrrgreindra sölustaða einungis fara fram um söluop. Skulu kaupendur við slík op standa utanhúss og óheimilt er að hafa neins konar skýli í sambandi við söluop, sem börn og unglingar geta safnast saman í.

Um söluop skv. 2. mgr. skal heimilt að selja eftirtaldar vörur:

Dagblöð, tímarit, kort, frimerki, tóbaksvörur, eldspýtur, öl og gosdrykki, ís, sælgæti, nýja ávexti, heitar pylsur, niðursöðuvörur, ávaxtasafa, kaffi, te, kakó, kex (innpakkað), raksápu, handsápu, tannkrem, tannbursta, greiður, bómull, dömbindi, skyndiplástur WC-pappír rafhlöður, rafmagnsperur, rafmagnsöryggi, filmur, sólgleraugu, minjagrip, spil, kvensokka og vinnuvetlinga.

Heimilt er bæjarráði að bæta við vörutegundum, sbr. 3. mgr., enda liggi þá fyrir samþykki heilbrigðisnefndar. Heilbrigðisnefnd ákveður, hvað af ofangreindum vörum megi selja á hverjum stað og ákveður nánar, hvernig hagað skuli umbúnaði þeirra.

6. gr.

Í kvikmyndahúsum, leikhúsum, á íþróttavöllum, útiskemmtunum og öðrum slíkum stöðum, skal heimilt að fengnu samþykki heilbrigðisnefndar að selja samkomugestum sælgæti, tóbak, ís, gosdrykki og annað slíkt, sem ætla má, að neytt verði á staðnum. Einnig má selja þar sýningarskrár, minjagrip og annað slíkt, sem eðlilegt telst, að þar sé til sölu, utan þess tíma, er í 2. gr. er nefndur, þó aldrei eftir að sýningu lýkur eða skemmtistað er lokað.

Í kvikmyndahúsum og leikhúsum er slík sala einungis heimil í sýningarhléum og hálf tíma fyrir sýningu.

7. gr.

Eftir lokunartíma sölustaða er óheimilt að selja þann varning, sem verzlunarleyfi þarf til sölu á. Þó skal heimilt að afgreiða þá menn, sem komnir eru í verzlun eða sölustað, þegar lokað er. Einnig er heimilt að afgreiða langferðamenn um nesti fyrir luktum dyrum. Enn fremur er heimilt að selja eftir reglulegan lokunartíma kol, salt, olíu, veiðarfæri og vistir til skipa.

8. gr.

Lögreglustjóri getur í einstökum tilvikum heimilað rýmri sölutíma en segir í samþykkt þessari, þegar hann telur sérstakar ástæður til, m. a. þegar ákveðið er, að ágóði af sölu renni til almenningsheilla.

9. gr.

Bæjarstjórn getur ákveðið, að greitt verði sérstakt gjald fyrir leyfi samkv. 5. gr. Ákveður bæjarstjórn þá gjald þetta til eins árs í senn.

Gjaldið skal greitt fyrirfram fyrir hvert almanaksár.

Sé það ekki greitt á réttum gjalddaga, skal leyfið úr gildi.

10. gr.

Ef leyfishafi, shr. 5. gr., brýtur samþykkt þessa eða skilyrði, sem bæjarráð, heilbrigðisnefnd eða lögreglustjóri kunna að setja fyrir leyfi eða ef rekstur sölu- staða þykir ekki fara vel úr hendi, má bæjarráð svipta leyfishafa leyfinu, enda hafi leyfishafi ekki látið segjast við aðvörun. Jafnframt má ákveða, að leyfi verði ekki veitt til slíks rekstrar á viðkomandi stað í tiltekinn tíma.

11. gr.

Brot gegn samþykkt þessari varðar sektum allt að kr. 1500.00.

Með mál út af brotum á samþykkt þessari skal fara að hætti opinberra mála.

Ákvæði til bráðabirgða.

Frestur til að breyta sölustöðum, samkv. 5. gr. samþykktar þessarar, er einn mánuður frá gildistöku samþykktarinnar.

Samþykkt þessi, sem bæjarstjórn Húsavíkur hefur samþykkt samkvæmt lögum nr. 17 frá 1. febrúar 1936, um samþykktir um lokunartíma sölubúða, öðlast þegar gildi, með þeim takmörkunum þó, sem lög nr. 45 frá 15. júní 1926, um almanna- frið á helgidögum þjóðkirkjunnar setja.

Jafnframt fellur úr gildi samþykkt nr. 160 frá 21. júlí 1965, um lokun sölu- búða í Húsavík.

Félagsmálaráðuneytið, 24. nóvember 1966.

F. h. r.

Hjálmar Vilhjálmsson.

Gunnlaugur Þórðarson.

REGLUGERÐ

um hækkun fjölskyldubóta samkvæmt lögum um almannatryggingar.

Árleg grunnupphæð fjölskyldubóta með hverju barni samkvæmt 15. gr. laga nr. 40 30. apríl 1963, um almannatryggingar, skal frá 1. nóvember 1966 hækka úr kr. 3000.00 í kr. 3437.00.

Hækkun bótanna á árinu 1966 skal greidd með bótum 1. ársfjórðungs 1967.

Reglugerð þess, sem sett er samkvæmt lögum nr. 20 23. apríl 1965, um breyting á lögum nr. 40 30. apríl 1963, um almannatryggingar, staðfestist hér með til þess að taka gildi þegar í stað.

Félagsmálaráðuneytið, 26. nóvember 1966.

Eggert G. Þorsteinsson.

Hjálmar Vilhjálmsson.